

馮氏錦囊秘錄雜症大小合參卷十四

羅知桂丹臣

海鹽馮兆張楚瞻甫纂輯一門人孫顯達惟良全較

男 乾元龍田

兒科腫脹

自病之始生莫不山六淫七情所致。若夫腫脹尤特甚焉。然有脾虛水腫鼓脹。脹滿膚脹虛腫在臟在腑之分。小兒臟腑嬌嫩乳食不節脾一受傷不能制水流溢皮膚然症有三。疳水積水驚水是也。疳水者心脾虛損面黃脚腫也。

積水者五積在腹結化爲水也。驚水者重疊交驚。心火燥渴過飲停蓄也。然水氣而脬浮大滑實者生。以其在表而未火虛也。沉細虛微者死。以其在裏而虛極。兼之陽虛則不能化陰也。有脾胃受濕不能運化。氣浮四肢頭面皆腫者。此名濕腫。有食毒并諸毒氣停留胃脘。是以入腹作腫。此名毒氣腫也。有傷寒下之太早。是以乘虛入腹而作腫者。此名傷寒腫也。更有虛腫者。凡諸大病之後。氣血兩虛。中氣不同。皆能外浮而爲腫。晨起面浮。午後足腫。若元氣未耗。宜亟養胃調脾。則腫不治而自退。其水腫者。脾胃虛受。

是以榮衛留止。脾失健運。肺失輸降。水氣上侵。則臌浮腫腹大而白。足脛皆腫。而如水。手按成窩。而即起。光腫如泡者是也。失治則皮爛水流。若遍體成瘡者。可治。虛陷者危矣。更有十種水之分。如氣短不得臥者。爲心水。兩脇緊痛者。爲肝水。大便驚溇者。爲肺水。四肢苦重者。爲脾水。腰痛足冷者。爲腎水。口苦咽乾者。爲膽水。乍虛乍實者。大腸水。腹急肢瘦者。膀胱水。小便閉澀者。爲胃水。小腹急滿者。小腸水。更有氣聚膀胱而致陰囊亦腫者。總而論之。腎虛不能行水。脾虛不能制水。胃爲水穀之海。虛則不能傳化。

是以泛濫反得浸漬脾土。於是三焦停滯。經絡壅塞。氣留於臟而爲脹。水溢於皮膚而爲腫。宜先益氣補中。切勿徒投滲泄。鼓脹者。心腹脹滿。且食不能暮食。形如鼓。脹色蒼黃。腹筋起。又名單鼓。外雖堅滿。中空無物。脹滿者。心腹痞脹。噎氣妨食。氣短煩渴。面黃皮薄。而光肢瘦。肌慄而咳。洩短便閉。此乃脾虛之甚。治宜大補中氣。佐以行濕。或補中益氣。金匱腎氣兼而服之。膚脹者。脾胃卒傷。風寒陡感。濕氣洎流。周身盡腫。按其腹。窅而不起。倦言懶食。吞酸惡心。治宜燥濕和中。然氣虛而腫者。名曰氣蠱。血虛而腫者。名

曰血蠱榮衛俱虛者名曰氣血蠱凡腫先起於腹而散於四肢者可治自四肢而歸於腹者難療并蠱脹而腹有青筋脹滿而大便滑瀉而青作喘者單腹脹而面日手足硬者唇黑腫傷肝缺盆平傷心臍突平傷脾足心平傷腎背平傷肺男從足腫而上女從身腫而下或肉硬或手掌平外腎脹極囊莖腫腐臍間青黑喘促煩渴身浮青紫或身似枝色遍膚生斑自利畏食唇縮枯澀小便不禁及起紫黑斑點漸若雲片者並皆不治

大抵因水因濕者下先腫因風因火者上先腫陽水脉沉

數陰水脉沉遲故腰以上腫宜發汗腰以下腫宜利水身
熱者在表宜汗身不熱者在裡宜下此常論也然不可用
大戟甘遂之劑倘水氣乘虛復至更將何以治之卽腫脹
有因積而得者倘去積而腫再作小便不利者若再用利
藥小便愈閉醫多束手蓋此多因中焦氣不升降爲寒所
隔水閉不行惟服沉附湯類小便自通喘滿自退矣

腫脹症候若脾虛氣未出腹脹不腫不喘者或以補爲消
或借消爲補務使脾能健運腎能閉藏則祖氣有根而不
汲元氣深藏而有源何有爲脹爲滿之患哉若早不速治

則虛氣已出。附肺而行入於四肢而目。是以通乎然。此譬
如行兵戰寇未出林也。攻之必獲。既出林矣。攻之必失。至
此又當以意漸收之。蓋標症雖似有餘。本症實由不足也。

方脉腫脹合參

帝曰。脉之應於寸口。如何而脹。伯曰。其脉大堅以瀯者。脹
也。邪盛則大。邪實則堅。瀯者。氣血虛而不流利也。洪夫之
脉。陰氣必衰。堅強之脉。胃氣必損。故大堅以瀯。病當爲
脹。是以脾具坤靜之德。而有乾健之運。故能使心肺之陽
降。肝腎之陰升。而成天地之泰。是爲平人。今也七情內傷。
六淫外感。飲食失節。房勞致虛。脾土之陰受傷。轉運之官

失職胃雖愛穀不能運化是以心肺之陽不能降腎肝之陰不能升而成天地不交之否清濁相混隧道壅塞鬱而爲熱熱留爲濕濕熱相生遂成脹滿本無形之氣爲病難作有形之症調理有謂秋夏冬治之稍易惟春最難者以其木旺而土受尅不能制水也然輕者俱易重者俱難不獨春也名鼓者以其中空外浮取其象而名之也更名蠱者以其侵蝕之害取其義而名之也治者宜補其脾又須養肺金以制木使脾無賊邪之患滋腎陰以制火使肺得肅化之令脾肺腎之氣交通則水穀自然尅化却鹹味斷

妄想無有不安。醫者急於取效。病者苦於脹滿。喜行利藥。以求通快。不知寬得一日半日。其脹滿病邪愈甚。而元氣轉傷矣。又有標實而本虛者。瀉之不可補之無功。極爲危險。全在杜微。防漸。標本得宜。使脾腎之元陽生發。而陰邪之凝滯釋然矣。

水腫鼓脹。皆因脾虛所致。然水腫輕而鼓脹重。何也。水腫則飲食如常。鼓脹則飲食不及常也。先頭足腫。後腹大者。水也。腫也。先腹大。後四肢腫者。氣也。脹也。治水腫則惟補脾導水而已。治鼓脹則補脾導水兼以消穀庶乎可也。雖

然鼓脹有氣血寒熱四者之殊。多由怒氣傷肝。木邪尅土。所以脾病而不能運化水穀也。又要養肺金以制肝木。使脾無賊邪則運化行而水穀消矣。以此觀之。治鼓脹之法。必以補脾制肝導水消穀爲主。看所挾而兼用藥。挾氣則散氣。挾血則破血。挾寒則溫寒。挾熱則清熱。自無不愈。其有不可治者。此乃脾虛之極。爲真臟病也。真臟病者。由真火不能生土耳。豈止脾臟而已哉。

人有行房用力過度。則汗出於腎經。言汗出於腎。逢於風。凶。不得入於臟腑外。不得越於皮膚。客於玄府。行於皮膚。

傳於肘腫本之於腎名曰風水治宜滋腎散風如四物湯
加荆防羌柴防已之類不可作脾虛濕腫而用參朮及利
水之藥愈使風邪內陷

火性炎上水性潤下消渴證不交而火偏盛也水氣證不
交而水偏盛也治之之法在制其偏而使之相濟故小火
不能化大水必先瀉其水後補其火開鬼門是發汗瀉在
表在上之水也潔淨府謂利小便瀉在裏在下之水也水
勢既減然後用暖藥以補元氣此治實治熱之次第也若
不明虛實寒熱專守下則脹已之一法雖得少寬於一時

真氣愈衰未幾而腫脹再作遂致不救矣故涉虛者溫補
脾腎如腎氣丸之類補中微瀉使其漸次康復然王道無
近功必以緩取效古今明醫豈不知尅伐之功速而曠日
持久亦以中氣既衰恐蹈虛虛之禍耳中滿者其症悉與
鼓脹水腫無異何故屬之氣虛氣虛者腎中之火氣虛也
中滿者中空似鼓虛滿而非實滿也經曰諸濕腫滿皆屬
於脾又曰其本在腎其末在肺皆聚水也諸經雖皆有腫
脹無不由於脾肺腎者蓋脾土主運行肺金土氣化腎水
主五液凡五氣所化之液悉屬於腎五液所行之氣悉屬

於肺轉輸二臟以制水生金者悉屬於脾若脾不能散胃
之水精於肺而病於中肺不能通胃之水道於膀胱而病
於上腎不能司胃之關門時其輸泄而病於下是以胃土
不能制腎水水逆而上行傳入於肺故水雖制於脾而實
主於腎蓋腎本水臟而元陽生氣所由出若腎中陽虛則
命門火衰既不能自制陰寒又不能溫養脾土陰陽不得
其正則化而爲邪也治者惟知泄水而不知益胃或知益
胃而不知溫腎故多下之強令水出不依天度流轉故胃
氣愈虛腎陽愈損則發而不能制也莫若行其所無事則

爲上計。何舉手。便用內經去菟陳莖。開鬼門。潔淨府。如舟車九禹功散之類。若真知爲水濕之氣。客於中焦。侵於皮膚。如水晶之光亮。手按之。隨起者。以前藥一服而退。若久病。天病後。或傷寒瘧痢後。女人產後。小兒痘後。與夫元氣素弱者。槩以前法施之。脾氣愈泄。愈虛。不可復救矣。故治腫者。先以脾土爲主。須補中益氣。或六君子湯溫補之。再以金匱腎氣丸補土之母。脾脾強土旺。則能散精於肺。通調水道。下輸膀胱。水精四布。五經並行矣。或者疑謂喘脹水滿。又加純補之劑。恐益脹滿。必須補藥中。加行氣利水。

之品此論似得病情終非納氣藏源至理蓋肺氣既虛不
可復行其氣腎水已衰不可復利其水純補之劑初時似
覺不快過時藥力得行則氣歸者自歸而行者日行如土
之在雨中則爲泥得和風暖日則濕去而湯和自得萬物
生長矣

東垣曰中滿治法當開鬼門潔淨府瀉之於內謂脾胃有
病令上下分消其濕下焦如瀆氣血自然分化如或大實
大滿大小便不利者從權以寒熱藥下之此以論治有餘
之症也至於補腎以治腫其說難明蓋禹之治水行其所

無事也。若一事疏鑿，則失之矣。今人之治水者，牽牛大戟，粗工之小智，正禹之所惡也。間有五苓五皮者，以爲中正，亦轉利轉虛，腎氣愈衰而愈不能推送矣。故須用補腎經，曰腎開竅於二陰，腎氣化則二陰通，二陰閉則胃填脹，腎者胃之關，關門不利，故水聚而從其類也。經又曰腎主下焦，三焦者決瀆之官，水道出焉。膀胱者州都之官，津液藏焉，必待三焦之火化始能出也。其三焦之經，在上者布膻中，散落心包，在下者出於委陽，上絡膀胱，上佐天道之施化，下佐地道之發生，與手厥陰爲表裏，以應諸經之使者。

也是故腎虛者下焦之火虛也。雖小便之清長必由於腎。金之輪化。然膀胱之氣旺始能吸胸中之氣以下行。但腎與膀胱爲表裡。膀胱之失運化必由腎氣之衰微。故始因火小不能化水。後則水大火不能化矣。經曰三焦病者氣滿小腹光堅不得小便。溢則水留而爲脹。仲景金匱腎氣丸補而不滯通而不泄。誠治腫之神矣。

有一身之間。惟面與足浮腫。早則面甚。晚則脚甚。經云面腫爲風。脚腫爲水。乃風濕所致也。雖然病後元氣未復者。每多見此。蓋由真氣根本不固。故日中行坐則氣墜下而